

Na osnovu ugovora broj 01/1-49-10837/18 između Federalnog zavoda za zapošljavanje i Udruženja poslovnih žena u BiH o implementaciji projekta „Akademija poduzetništva žena“, Udruženje poslovnih žena objavljuje:

JAVNI POZIV

„Akademija poduzetništva žena“

Uvod:

Udruženje poslovnih žena BiH je nastalo kao odgovor na potrebu za jačanjem važnosti uloge i doprinosa žena poduzetnica, njihovog umrežavanja i promocije. Udruženje kroz svoj rad ostvaruje ciljeve kao što su jačanje poduzetništva žena kroz pružanje mogućnosti za međusobno povezivanje poduzetnica, pružanje stručnih savjeta o pokretanju i razvoju biznisa, kao i informacija o finansijskim i edukativnim mogućnostima, a vezano za poduzetništvo. U Bosni i Hercegovini, odnosno Federaciji Bosne i Hercegovine se bilježi pozitivan trend osnivanja malih i srednjih preduzeća. Kako bi se održao ovaj pozitivni trend i kako bi se pružila stručna podrška nezaposlenim ženama i poduzetnicama koje su tek uplovile u poduzetničke vode, Udruženje poslovnih žena u BiH je pokrenulo projekat pod nazivom „Akademija poduzetništva žena“.

Predmet javnog poziva:

U projektu „Akademija poduzetništva žena“ koji će se realizirati u Kantonu Sarajevo i Zapadnohercegovačkom Kantonu, **60 nezaposlenih žena i poduzetnica** će proći obuku kroz Akademiju poduzetništva žena koja osigurava neophodna znanja i vještine za vođenje biznisa. U toku i nakon obuke, polaznice dobijaju **mentorice, koje su iskusne BH poduzetnice** koje će im dalje biti podrška na njihovom poslovnom putu. Osim mentorica, polaznice će imati i stalnu stručnu i tehničku podršku od tima Udruženja.

U prvoj generaciji polaznica Akademije poduzetništva žena, 60 nezaposlenih žena i poduzetnica će unaprijediti znanja i vještine za vođenje vlastitog biznisa.

Selekcija polaznica obuke

Odabir polaznica Akademije poduzetništva žena vršit će nezavisna komisija.

Potrebna dokumentacija za prijavu i rok za dostavljanje

1. Obrazac za prijavu

Nakon selekcije, odabranepolaznice će trebati dostaviti sljedeću dokumentaciju:

1. Uvjerenje o nezaposlenosti iz evidencije Kantonalne/Županijske službe za zapošljavanje
2. Rješenje o osnivanju kompanije/obrta (poduzetnice)

U Akademiji poduzetništva žena ne mogu sudjelovati:

1. Korisnice (postojeće poduzetnice) koje su koristile kreditna ili bespovratna sredstva iz poticajnih mjera Zavoda/Službe radi pokretanja djelatnosti, kojima je naložen povrat ostvarene novčane podrške, a koje nisu ispoštovale obaveze u skladu sa zaključenim ugovorom,
2. Korisnice koje su pokrenule djelatnost, a koje ne izmiruju redovno obaveze po osnovu poreza i doprinosa, ili koje nemaju potpisan sporazum sa Poreznom upravom Federacije BiH o izmirenju duga po osnovu doprinosa,
3. Korisnice evidentirane u Registru novčanih kazni zbog duga neplaćenih novčanih kazni i troškova postupka (rad na crno).

Rok za dostavljanje prijave sa pratećom dokumentacijom je 20 dana od dana objave.

Način prijave na Javni poziv

Nezaposlena žene i poduzetnice starosti od 18 do 50 godina sa Kantona Sarajevo i Zapadnohercegovačke županije koje žele učestovati u ovom Javnom pozivu svoju prijavu dostavljaju u datom roku putem mail-a akademija@upzbih.ba.

Dodatne informacije

Sve dodatne informacije možete dobiti putem mail-a akademija@upzbih.ba ili putem facebook stranice <https://www.facebook.com/upzbih/>.